

An Roinn Oideachais agus Scileanna  
Sráid Mhaoilbhríde  
Baile Átha Cliath 1



Department of Education and Skills  
Marlborough Street  
Dublin 1

AN ROINN OIDEACHAIS AGUS SCILEANNA | DEPARTMENT OF EDUCATION AND SKILLS

Imlitir 64/2013

**Chuig: Údarás Bhainistíochta na mBunscoileanna**

**Laghdú sna Riachtanais Cáiliúcháin Seirbhíse do Theidlíocht ar Mheasúnú do Chonradh Tréimhse Éiginnte do Mhúinteoirí faoi Imlitir 82/2007**

**Aidhm na hImlitreach**

1. Is í aidhm na himlitreach seo ná na húdarás bhainistíochta ar bhunscoileanna agus múinteoirí a chur ar an eolas faoi na hathruithe sa tréimhse cáiliúcháin do mhúinteoirí atá fostaithe ar bhonn téarma seasta le measúnú do chonradh tréimhse éiginnte.

**Athruithe sa Tréimhse Cáiliúcháin do Theidlíocht ar Mheasúnú do Chonradh Tréimhse Éiginnte.**

2. I gcomhréir le téarmaí Chomhaontú Bhóthar Haddington, tá múinteoirí atá fostaithe ar bhonn téarma seasta i dteideal a bheith measta do chonradh tréimhse éiginnte nuair atá breis agus 3 bliana de sheirbhís leanúnach acu leis an Scoil/Bord Bainistíochta céanna.
3. Ba chóir do Bhoird Bhainistíochta anois aon bhall den fhoireann teagaisc a bhfuil, i ndiaidh 1 Iúil 2013, breis agus 3 bliana de sheirbhís leanúnach acu leis an bhfostóir sin, do theidlíocht ar chonradh tréimhse éiginnte faoi réir chuid 2 d'Imlitir 82/2007 agus conradh téarma éiginnte a eisiúint do mhúinteoir ar bith a shásaíonn na coinníollacha laistigh de sin.
4. Fanann téarmaí na hImlitreach 82/2007 gan leasú seachas an laghdú sa riachtanas seirbhíse do theidlíocht ar mheasúnú do chonradh tréimhse éiginnte ó 4 bliana go 3 bliana.
5. Déan cinnte, le d' thoil, go dtugtar cóipeanna den Imlitir seo chuig an mBord Bainistíochta agus go dtarraingítear aird na múinteoirí uile id' fhostaíocht, lena n-áirítear iad siúd atá ar chead neamhláithreachta, ar a bhfuil san Imlitir seo.
6. Is féidir an Imlitir seo a rochtain ar shuíomh gréasáin na Roinne ag <http://www.education.ie> .

Alfie Barrett

Rannóg Théarmaí agus Coinníollacha do Mhúinteoirí & do Chúntóirí Riachtanas Speisialta

18 Nollaig 2013